

Ա.ո որդին իւր Գրիգոր[իս] վարդապետն (յէջ-  
վիածին), վասն մահուան որդւոյն Յովսեփայ

Որդեակ իմ անդրանիկ եւ սիրելի Տէր Գրիգորիսդ  
իմ, ընկա՛լ զայս ի վերայ այնքան անհուն սիրտա-  
նաց եւ դաստիարակութեանց բանից, որովք ոչ տամ  
դու՛<sup>1)</sup> եւ զազար սրտիս զքեզ զարթուցանել յիշա-  
տակօք Գրոց սրբոց, եւ փութամ ճեպիմ մինչչեւ մե-  
ռեալ իցեմ զպտուղն եւ զհասկն ճաշակել, զի եւ  
դու ի պտղաբերելդ աճեալ բարգաւաճեալ պտղաւո-  
րեսցիս եւ ի ճաշակելդ՝ բազումք եւս ճաշակեսցեն եւ  
փառաւորեսցեն զստեղծօղն քո:

Եւ զայս եւս ի վերայ բազմիցս առցես օրինակ,  
որ ի վերայ փոքուն պտղոյ այսքան կոծեալ դառնա-  
նամ, քանի՞ցս զանազանապէս ի վերայ քո թապլեալ  
թաւալեալ հայէի մնայի սիրտիլ ուրախանալ ի վերայ  
հասակիդ եւ շնորհացդ կատարման, զոր Տէր ըստ նա-  
խասահմանութեան գթութեան իւրոյ հասոյց ի կրկին  
կատարումն մարմնական աճողութեամբ եւ հոգեկան  
լրմամբ: Ձի՞նչ քեզ օրինակ զորս ի քաղաքս եւ զորս  
յանդեայսոդ եւ ի բուրաստանեացդ վայրս տեսեր ար-  
դեօք զանբան անասունս օղեղէնս հանեալ ի ձուոց  
զձագս՝ թէ ո՛րքան դողան ի վերայ՝ խնամօք պահ-  
պանութեամբ ի թշնամեաց, յօժից եւ ի կարճաց<sup>2)</sup> եւ  
յափշտակօղ թռչնոց, մինչեւ կերակրեցեալ, մեծա-  
ցուցեալ, թեւաւորեալ ուսուցանեն սակաւ սակաւ.  
բացէ ի բաց ինքեանք թռչին եւ զնոսա կոչեն թռչիլ  
ընդ ծառս՝ ճիւղից ի ճիւղս սովորեցուցեալ, մինչեւ  
զարգանալ ի նոյնն երամովին, ի կերակուրս եւ ի ջրար-  
բիս զուտելն եւ զըմպելն սովորեցուցեալ. ապ[ա]

1) դոյլ.

2) կարճեաց.